

Na osnovu Zakona o izvršenju budžeta Tuzlanskog kantona za 2026. godinu („Službene novine Tuzlanskog kantona“ broj: 18/25) i Programa raspodjele namjenskih sredstava od ekoloških naknada Ministarstva prostornog uređenja i zaštite okolice za 2026. godinu sa transferima, broj: 12/1-19-002886/26 od 03.02.2026. godine, a u skladu sa Odlukom o utvrđivanju uvjeta, kriterija i postupaka za raspodjelu namjenskih sredstava od ekoloških naknada broj: 12/1-19-007021/26 od 10.03.2026. godine, Ministarstvo prostornog uređenja i zaštite okolice raspisuje:

JAVNI KONKURS

za dodjelu sredstava udruženjima čija je djelatnost usmjerena na zaštitu i unapređenje okoliša

1. Predmet javnog konkursa

Predmet javnog konkursa je prikupljanje prijava udruženja čija je djelatnost pretežno usmjerena na zaštitu i unapređenje okoliša za dodjelu sredstava, a koje se odnose na slijedeće oblasti:

- 1) zaštitu, očuvanje i poboljšanje kvaliteta zraka, tla i voda,
- 2) zbrinjavanje i obrada svih vrsta otpada,
- 3) zaštitu i očuvanje biološke i pejzažne raznolikosti i
- 4) uređenje zelenih javnih površina.

2. Korisnici sredstava koji imaju pravo na podnošenje prijave

Pravo učešća na javnom konkursu, imaju udruženja koja su registrirana u Ministarstvu pravosuđa i uprave Tuzlanskog kantona, kao i udruženja koja su registrirana u skladu sa zakonom na entitetskom ili državnom nivou, čija je djelatnost usmjerena na zaštitu i unapređenje okoliša, te koja imaju sjedište, obavljaju djelatnost i implementiraju projekte na području Kantona.

3. Uvjeti koji podnositelji prijave moraju ispunjavati

Projekti udruženja, koji će se uzeti u razmatranje, dostavljaju se na posebnom obrascu i treba da sadrže:

- 1) naziv i opis projekta,
- 2) oblast zaštite okolice na koju se odnosi projekat,
- 3) ciljeve projekta,
- 4) vrste aktivnosti koje će se provesti da bi se postigli postavljeni ciljevi,
- 5) ukoliko postoji partnerstvo, naziv partnera – druga neprofitna organizacija ili institucija iz javnog sektora sa dokazom o partnerstvu: (sporazum, ugovor i slično sa precizno definiranom vrstom partnerstva i načinom saradnje na projektu),
- 6) broj realiziranih projekata iz oblasti zaštite okoliša sa dokazom (ugovori, potvrde i sl.),
- 7) očekivani rezultati,
- 8) sufinansiranje projekta (navesti u procentima u odnosu na ukupnu vrijednost projekta),
- 9) rok realizacije projekta i
- 10) specifikacija troškova sa visinom sredstava koja se potražuju od Ministarstva (navesti detaljnu specifikaciju i posebno odvojiti stavku administrativni troškovi (režije, telefonski troškovi, kancelarijski materijal, bankovni troškovi, usluge knjigovodstvenog servisa, najam kancelarije, gorivo za prevoz i slično) koja ne smije prelaziti 10% ukupnog budžeta projekta.

4. Popis dokumenata koje je potrebno priložiti uz prijavu

Udruženja su dužna dostaviti slijedeću dokumentaciju kojom dokazuju ispunjavanje uslova:

- 1) rješenje o upisu u Registar udruženja kod Ministarstva pravosuđa i uprave Tuzlanskog kantona ili drugog nadležnog organa u Bosni i Hercegovini ili Federaciji Bosne i Hercegovine, iz kojeg je vidljivo sjedište udruženja na području Kantona i djelatnost usmjerena na zaštitu i unapređenje okolice,
- 2) uvjerenje o poreznoj registraciji (ID broj),
- 3) spesimen potpisa iz banke osoba odgovornih za finansije,

- 4) uvjerenje o izmirenim porezima i doprinosima za uposlenike (ukoliko ima uposlenika), ukoliko udruženje nema uposlenih u tom slučaju dužno je dostaviti izjavu da nema uposlenih ovjerenu od nadležnog organa,
 - 5) akt o sufinansiranju projekta potpisan od strane ovlaštene osobe udruženja i ovjeren, ukoliko ima sufinansiranja,
 - 6) bilans stanja i uspjeha za prethodnu budžetsku godinu, potpisan i ovjeren od strane finansijske informatičke agencije (2025. godina),
 - 7) izjavu podnosioca prijave kojom potvrđuje da isti projekat neće aplicirati za finansiranje drugom organu istog nivoa vlasti,
 - 8) projekt (ovjeren i potpisan od strane podnosioca) na posebnom obrascu.
- Dokumenti se prilažu u originalu ili ovjerenoj kopiji koja ne može biti starija od 3 mjeseca, računajući od dana objavljivanja javnog konkursa.

5. Osnovni kriteriji odabira (bodovanje projekta)

Prijedlog raspodjele sredstava udruženjima daje komisija imenovana od strane ministra, cijeneći pri tome ukupan broj bodova utvrđenih na osnovu slijedećih kriterija:

- 1) oblast zaštite okoliša (do 30 bodova),
- 2) efekat realiziranja projekta na okoliš i stanovništvo (do 30 bodova)
- 3) partnerski odnos sa drugom neprofitnom organizacijom ili institucijom iz javnog sektora u realiziranju projekta (do 10 bodova)
- 4) broj realiziranih projekata iz oblasti zaštite okoliša (do 15 bodova) i
- 5) sufinansiranje projekta (do 15 bodova).

Neće se razmatrati prijave udruženja:

- 1) koja su dobila finansijsku pomoć od ovog Ministarstva, ako nisu ispunili obavezu pravdanja dodijeljenih sredstava,
- 2) koji ne dostave dokumentaciju za dokazivanje ispunjavanja uvjeta iz člana 4. javnog konkursa i koji ne razrade projekat kako je definirano članom 3. javnog konkursa,
- 3) čiji su projekti, programi ili aktivnosti napravljeni u korist članova udruženja u iznosu većem od 10% ukupnog budžeta projekta (troškovi voditelja, menadžera, koordinatora projekta) i čiji administrativni troškovi (režije, telefonski troškovi, kancelarijski materijal, bankovni troškovi, usluge knjigovodstvenog servisa, najam kancelarije, gorivo za prevoz i slično) na projektu prelaze 10% ukupnog budžeta projekta,
- 4) ukoliko je obrazac projekta neuredan, specifikacija troškova nije detaljno razrađena i sl.
- 5) ukoliko se projekat odnosi samo na organiziranje okruglih stolova, predavanja, seminara, prezentacija i sl.
- 6) ukoliko projekat sadrži nabavku osnovnog sredstva koje nije direktno vezano za realizaciju kandidovanog projekta.

6. Opće odredbe

Udruženja imaju pravo na javni konkurs prijaviti najviše jedan projekat. Ukupno raspoloživi iznos sredstava za dodjelu je 60.000,00 KM. Maksimalan iznos koji se udruženju može odobriti po jednom projektu je 5.000 KM.

Projekti se predaju na adresu:

Tuzlanski kanton
Ministarstvo prostornog uređenja i zaštite okolice
Pisarnica Vlade TK (Fra Grge Martića br. 8., 75 000 Tuzla),
(sa naznakom: „ZA JAVNI KONKURS UDRUŽENJIMA – NE OTVARATI“)

Javni konkurs za dodjelu sredstava zajedno sa propisanim obrascem iz tačke 3. javnog konkursa će biti objavljen na oglasnoj ploči Ministarstva, zvaničnoj web stranici Ministarstva www.mpuzotk.gov.ba i dnevnim novinama „Večernji list“ Mostar. Rok za podnošenje prijave je 15 dana od dana objavljivanja javnog konkursa na web stranici Ministarstva. Kontakt telefon za informacije o javnom konkursu je 035/369 428. Udruženja će imati pravo prigovora na preliminarne liste u roku od osam dana od dana objavljivanja preliminarne liste korisnika javnog konkursa na web stranici Ministarstva. Nakon odlučivanja po prigovorima Ministarstvo će objaviti konačnu listu korisnika dodijeljenih sredstava. Neblagovremene i nepotpune prijave neće se uzeti u razmatranje.